

大般涅槃經

卷三十二

百廿五  
率二

48025

山  
石



元祿九年丙子二月日重脩

皇圖聖圖 帝階級昌

佛日增輝 轉輪常轉

山城州天安寺法金剛院置



大般涅槃經卷第三十二

北涼天竺三藏曇無讖奉 詔譯

大般涅槃經師子吼菩薩品第十一之六

善男子若有不能作如是觀名不脩身不脩

戒者善男子若不能觀戒是一切善法梯橙

亦是一切善法根本如地悉是一切樹木所

生之本是諸善根之導首也如彼商主導其

商人戒是一切善法勝幢如天帝釋所立勝

幢戒能永斷一切惡業及三惡道能療惡病

猶如藥樹戒是生死險道資糧戒是摧結惡

賊鎧杖戒是滅結毒蛇良咒戒是度惡業行

橋梁若有不能如是觀者名不脩戒不脩心



者不能觀心輕燥動轉難捉難調馳騁奔逸  
 如大惡象念念迅速如彼電光驟擾不住猶  
 如獼猴如幻如炎乃是一切諸惡根本五欲  
 難滿如火獲薪亦如大海吞受眾流如漫陀  
 山草木滋多不能觀察生死虛妄耽或致患  
 如魚吞鉤常先引導諸業隨從猶如貝母引  
 導諸子貪著五欲不樂涅槃如馳食蜜乃至  
 於死不顧芻草深著現樂不觀後過如牛貪  
 苗不懼杖楚馳騁周徧二十五有猶如疾風  
 吹兜羅毘所不應求求無厭足如無智人求  
 無熱火常樂生死不樂解脫如維婆蟲樂絀  
 婆樹迷惑愛著生死臭穢猶如獄囚樂獄卒

女亦如廁豬樂處不淨若有不能如是觀者  
名不脩心不脩慧者不觀智慧有大勢力如  
金翅鳥能壞惡業壞無明闇猶如日光能拔  
陰樹如水漂物焚燒邪見猶如猛火慧是一  
切善法根本佛菩薩母之種子也若有不能  
如是觀者不名脩慧善男子第一義中若見  
身身相身因身果身聚身一身二此身彼身  
身滅身等身脩脩者若有如是見者名不脩  
身善男子若見戒戒相戒因戒果上戒下戒  
戒聚戒一戒二此戒彼戒戒滅戒等戒脩脩  
者戒波羅蜜若有如是見者名不脩戒若見

心相心因心果心聚心及心數心一心二

此心彼心心滅心等心脩脩者上中下心善  
心惡心若有如是見者名不脩心善男子若  
見慧慧相慧因慧果慧聚慧一慧二此慧彼  
慧慧滅慧等上中下慧鈍慧利慧脩脩者若  
有如是見者名不脩慧善男子若有不脩身  
戒心慧如是之人於小惡業得大惡報以恐  
怖故常生是念我屬地獄作地獄行雖聞智  
者說地獄苦常作是念如鐵打鐵石還打石  
木自打木火蟲樂火地獄之身還似地獄若  
似地獄有何苦事譬如倉蠅爲唾所粘不能  
自出是人亦介於小罪中不能自出心初無  
悔不能脩善覆藏瑕疵雖有過去一切善業

悉爲是罪之所垢汙是人所有現受輕報轉  
屬地獄極重惡果善男子如小器水置鹽一  
斗其味鹹苦難可得飲是人罪業亦復如是  
善男子譬如有人負他一錢不能得償故身  
被繫縛多受衆苦是人罪業亦復如是師子  
吼菩薩言世尊是人何故令現輕報轉地獄  
受佛言善男子一切衆生若具五事令現輕  
報轉地獄受何等爲五一者愚癡故二者善  
根微少故三者惡業深重故四者不懺悔故  
五者不脩本善業故復有五事一者脩集惡  
業故二者無戒財故三者遠離善根故四者  
不脩身戒心慧故五者親近惡知識故善男

法苑珠林卷之二十一

三

于是故能令現世輕報地獄重受師子吼言  
世尊何等人能轉地獄報現世輕受善男子  
若有脩習身戒心慧如上所說能觀諸法同  
如虛空不見智慧不見智者不見愚癡不見  
愚者不見脩集及脩集者是名智者如是之  
人則能脩集身戒心慧是人能令地獄果報  
現世輕受是人設作極重惡業思惟觀察能  
令輕微作是念言我業雖重不如善業譬如  
疊華雖復百斤終不能敵真金一兩如恒河  
中投一斗鹽水無鹹味飲者不覺如巨富者  
雖多負人千萬寶物無能繫縛令其受苦如  
大香象能壞鐵鎖自在而去智慧之人亦復



如是常思惟言我善力多惡業羸弱我能發  
露懺悔除惡能脩智慧智慧力多無明力少  
如是念已親近善友脩集正見受持讀誦書  
寫解說十二部經見有受持讀誦書寫解說  
之者心生恭敬兼以衣食房舍卧具醫藥華  
香而供養之讚歎尊重所至到處稱說其善  
不訟其短供養三寶敬信方等大涅槃經如  
來常恒無有變易一切衆生悉有佛性是人  
能令地獄重報現世輕受善男子以是義故  
非一切業悉有定果亦非一切衆生定受師  
子吼菩薩言世尊若一切業不定得果一切  
衆生悉有佛性應當脩集八聖道者何因緣

故一切衆生悉不得是大般涅槃世尊若一切衆生有佛性者即當定得阿耨多羅三藐三菩提何須脩集八聖道耶世尊如此經中說有病人若得醫藥及瞻病人隨病飲食若使不得皆悉除差一切衆生亦復如是若遇聲聞及辟支佛諸佛菩薩諸善知識若聞說法脩集聖道若不遇不聞不脩集道悉當得成阿耨多羅三藐三菩提何以故以佛性故世尊譬如日月無有能遮令不得至頗多山邊四大河水不至大海一闍提等不至地獄一切衆生亦復如是無有能遮令不得至阿耨多羅三藐三菩提何以故以佛性故世尊

以是義故一切衆生不須脩道以佛性力故  
應得阿耨多羅三藐三菩提不以脩集聖道  
力故世尊若一闡提犯四重禁五逆罪等不  
得阿耨多羅三藐三菩提者應須脩集以因  
佛性定當得故非因脩集然後得也世尊譬  
如磁石去鐵雖遠以其力故鐵則隨著衆生  
佛性亦復如是是故不須勤脩集道佛言善  
哉善哉善男子如恒河邊有七種人若爲洗  
浴恐畏寇賊或爲採萃則入河中第一人者  
入水則沉何以故羸無勢力不習浮故第二  
人者雖沒還出出已還沒何以故身力大故  
則能還出不習浮故出已還沒第三人者沒

已即出出更不沒何以故身重故沒力大故  
出先習浮故出已即住第四人者入已便沒  
沒已還出出已即住徧觀四方何以故重故  
則沉力故還出習浮則住不知出處故觀四  
方第五人者入已即沈沈已便出出已即住  
住已觀方觀已即去何以故爲怖畏故第六  
人者入已即去淺處則任何以故觀賊近遠  
故七者既至彼岸登上大山無復恐怖離諸  
怨賊受大快樂善男子生死大河亦復如是  
有七種人畏煩惱賊故發意欲度生死大河  
出家剃髮身披法服既出家已親近惡友隨  
順其教聽受邪法所謂衆生身者即是五陰

五陰者即名五大衆生若死永斷五大斷五  
大故何須脩集善惡諸業是故當知無有善  
惡及善惡報如是則名一闡提也一闡提者  
名斷善根斷善根故沒生死河不能得出何  
以故惡業重故無信力故如恒河邊第一人  
也善男子一闡提輩有六因緣沒三惡道不  
能得出何等爲六一者惡心熾盛故二者不  
見後世故三者樂習煩惱故四者遠離善根  
故五者惡業障隔故六者親近惡知識故復  
有五事沒三惡道何等爲五一者於比丘邊  
作非法故二者比丘尼邊作非法故三者自  
在用僧鬘物故四者母邊作非法故五者於

五、部僧互生是非故復有五事沒三惡道何  
 等為五一者常說無善惡果故二者殺發菩  
 提心衆生故三者喜說法師過失故四者法  
 說非法非法說法故五者為求法過而聽受  
 故復有三事沒三惡道何等為三一謂如來  
 無常永滅二謂正法無常遷變三謂僧寶可  
 滅壞故是故常沒三惡道中第二人者發意  
 欲度生死大河斷善根故沒不能出所言出  
 者親近善友則得信心信心者信施施果信  
 善善果信惡惡果信生死苦無常敗壞是名  
 為信以得信心脩集淨戒受持讀誦書寫解  
 說常樂慧施善脩智慧以鈍根故復遇惡友

不能脩集身戒心慧聽受邪法或值惡時處  
惡國土斷諸善根斷善根故常沒生死如恒  
河邊第二人也第三人者發意欲度生死大  
河斷善根故於中沉沒親近善友得名爲出  
信於如來是一切智常恒無變爲衆生故說  
無上道一切衆生悉有佛性如來非滅沮僧  
亦尔無有滅壞一闡提等不斷其法終不能  
得阿耨多羅三藐三菩提要當遠離然後乃  
得以信心故脩集淨戒脩淨戒已受持讀誦  
書寫解說十二部經爲諸衆生廣宣流布樂  
於慧施脩集智慧以利根故堅住信慧心無  
退轉如恒河邊第三人也第四人者發意欲

度生死大河斷善根故於中沉沒親近善友  
 故得信心是名為出得信心故受持讀誦書  
 寫解說十二部經為衆生故廣宣流布樂於  
 慧施脩集智慧以利根故堅住信慧心無退  
 轉徧觀四方觀四方者四沙門果如恒河邊  
 第四人也第五人者發意欲度生死大河斷  
 善根故於中沉沒親近善友故得信心是名  
 為出以信心故受持讀誦書寫解說十二部  
 經為衆生故廣宣流布樂於慧施脩集智慧  
 以利根故堅住信慧心無退轉無退轉已即  
 便前進前進者謂辟支佛雖能自度不及衆  
 生是名為去如恒河邊第五人也第六人者



發意欲度生死大河斷善根故於中沉沒親  
近善友獲得信心得信心故名之為出以信  
心故受持讀誦書寫解說十二部經為衆生  
故廣宣流布樂於慧施脩集智慧以利根故  
堅住信慧心無退轉無退轉已即復前進遂  
到淺處到淺處已即住不去住不去者所謂  
菩薩欲為度脫諸衆生故住觀煩惱如恆河  
邊第六人也第七人者發意欲度生死大河  
斷善根故於中沉沒親近善友獲得信心得  
信心已名為出以信心故受持讀誦書寫  
解說十二部經為衆生故廣宣流布樂於慧  
施脩集智慧以根利故堅住信慧心無退轉

無退轉已。即便前進。既前進已。得到彼岸。登  
 涉高山。離諸恐怖。多受安樂。善男子。彼岸山  
 者。喻於如來受安樂者。喻佛常住大高山者。  
 喻大涅槃。善男子。是恒河邊。如是諸人。悉具  
 手足。而不能度。一切象生。亦復如是。實有佛  
 寶法寶僧寶。如來常說諸法要義。有八聖道  
 大般涅槃。而諸象生。悉不能得。此非我咎。亦  
 非聖道。象生等過。當知悉是煩惱。過惡。以是  
 義故。一切象生。不得涅槃。善男子。譬如良醫  
 知病說藥。病者不服。非醫咎也。善男子。如有  
 施主。以其所有。施一切人。有不受者。非施主  
 咎。善男子。譬如日出。幽冥皆明。盲瞽之人。不

見道路非日過也善男子如恒河水能除渴  
乏渴者不飲非水咎也善男子譬如大地普  
生果實平等無二農夫不種非地過也善男  
子如來普爲一切象生廣開分別十二部經  
象生不受非如來咎善男子若脩道者即得  
阿耨多羅三藐三菩提善男子汝言象生悉  
有佛性得阿耨多羅三藐三菩提如磁石者  
善哉善哉以有佛性因緣力故得阿耨多羅  
三藐三菩提若言不須脩聖道者是義不然  
善男子譬如有人行於曠野渴乏遇井其井  
幽深雖不見水當知必有是人方便求覓罐  
罈汲取則見佛性亦尔一切象生雖復有之

要須脩集無漏聖道然後得見善男子如有  
胡麻則得見油離諸方便則不得見其蔗亦  
亦善男子如三十三天北鬱單越雖是有法  
若無善業神通道力則不能見地中草根及  
地下水以地覆故衆生不見佛性亦亦不脩  
聖道故不得見善男子如汝所說世有病人  
若遇瞻病良醫好藥隨病飲食及以不遇悉  
得差者善男子我爲六住諸菩薩等說如是  
義善男子譬如虛空於諸衆生非內非外非  
內外故亦無罣礙衆生佛性亦復如是善男  
子譬如有人財在異方雖不現前隨意受用  
有人問之則言我許何以故以定有故衆生

佛性亦復如是。非此非彼。以定得。故言一切  
有善男子。譬如象生。造作諸業。若善若惡。非  
內非外。如是業性。非有非無。亦復非是本無。  
今有非無。因出非此。作此受此。作彼受彼。作  
彼受無。作無受時節。和合而得果報。象生佛  
性亦復如是。亦復非是本無。今有非內非外。  
非有非無。非此非彼。非餘處來。非無因緣。亦  
非一切象生不見。有諸菩薩時節。因緣和合  
得見時節者。所謂十住菩薩。摩訶薩。脩八聖  
道。於諸象生。得平等心。亦時得見。不名爲作  
善男子。汝言如磁石者。是義不然。何以故。石  
不吸鐵。所以者何。無心業故。善男子。異法有

故異法出生異法無故異法滅壞無有作者  
無有壞者善男子猶如猛火不能焚薪火出  
薪壞名爲焚薪善男子譬如葵藿隨日而轉  
而是葵藿亦無敬心無識無業異法性故而  
自迴轉善男子如芭蕉樹因雷增長是樹無  
耳無心意識異法有故異法增長異法無故  
異法滅壞善男子如阿叔迦樹女人摩觸華  
爲之出是樹無心亦無覺觸異法有故異法  
出生異法無故異法滅壞善男子如橘得屍  
果則滋多而是橘樹無心無觸異法有故異  
法滋多異法無故異法滅壞善男子如安石  
留塼骨糞故果實繁茂安石留樹亦無心觸

異法有故異法出生異法無故異法滅壞善  
男子磁石吸鐵亦復如是異法有故異法出  
住異法無故異法滅壞象生佛性亦復如是  
不能吸得阿耨多羅三藐三菩提善男子無  
明不能吸取諸行行亦不能吸取識也亦得  
名爲無明緣行行緣於識有佛無佛法界常  
住善男子若言佛性住衆生中者善男子常  
法無住若有住處即是無常善男子如十二  
因緣無定住處若有住處十二因緣不得名  
常如來法身亦無住處法界法入法陰虛空  
悉無住處佛性亦亦都無住處善男子譬如  
四大力雖均等有堅有熱有溼有動有重有

輕有赤有白有黃有黑而是四大亦無有業  
異法界故各不相似佛性亦尔異法界故時  
至則現善男子一切衆生不退佛性故名之  
爲有阿毗跋致故以當有故決定得故定當  
見故是故名爲一切衆生悉有佛性善男子  
譬如王告一大臣汝牽一象以示盲者尔  
時大臣受王勅已多集衆盲以象示之時彼  
衆盲各以手觸大臣即還而白王言臣已示  
竟尔時大王即喚衆盲各各問言汝見象耶  
衆盲各言我已得見王言象爲何類其觸牙  
者即言象形如蘆菴根其觸耳者言象如箕  
其觸頭者言象如石其觸鼻者言象如杵其



觸脚者言象如木曰其觸脊者言象如牀其  
觸腹者言象如甕其觸尾者言象如繩善男  
子如彼衆盲不說象體亦非不說若是象相  
悉非象者離是之外更無別象善男子王喻  
知來正徧知也臣喻方等大涅槃經象喻佛  
性盲喻一切無明衆生是諸象生聞佛說已  
或作是言色是佛性何以故是色雖滅次第  
相續是故獲得無上如來三十二相如來色  
常如來色者常不斷故是故說色名爲佛性  
譬如真金質雖遷變色常不異或時作玃作  
蛇作槃然其黃色初無改易象生佛性亦復  
如是質雖無常而色是常以是故說色爲佛

性或有說言受是佛性何以故受因緣故獲  
 得如來真實之樂如來受者謂畢竟受第一  
 義受象生受性雖復無常然其次第相續不  
 斷是故獲得如來常受譬如有人姓憍尸迦  
 雖無常而姓是常經千萬世無有改易象  
 生佛性亦復如是是以是故說受為佛性又有  
 說言想是佛性何以故想因緣故獲得如來  
 真實之想如來想者名無想想無想想者非  
 衆生想非男女想亦非色受想行識想非想  
 斷想衆生之想雖復無常以想次第相續不  
 斷故得如來常恒之想善男子譬如象生十  
 二因緣象生雖滅而因緣常象生佛性亦復

如是以是故說想爲佛性又有說言行爲佛性何以故行名壽命壽命因緣故獲得如來常住壽命衆生壽命雖復無常而壽次第相續不斷故得如來真實常壽善男子譬如十二部經聽者說者雖復無常而是經典常存不變衆生佛性亦復如是是以是故說行爲佛性又有說言識爲佛性識因緣故獲得如來平等之心衆生意識雖復無常而識次第相續不斷故得如來真實常心如火熱性火雖無常熱非無常衆生佛性亦復如是是以是故說識爲佛性又有說言離陰有我我是佛性何以故我因緣故獲得如來八自在我有諸外

道說言去來見聞悲喜語說爲我如是我相  
雖復無常而如來我真實是常善男子如陰  
入界雖復無常而名是常衆生佛性亦復如  
是善男子如彼盲人各各說象雖不得實非  
不說象說佛性者亦復如是是非即六法不離  
六法善男子是故我說衆生佛性非色不離  
色乃至非我不離我善男子有諸外道雖說  
有我而實無我衆生我者即是五陰離陰之  
外更無別我善男子譬如莖葉鬚臺合爲蓮  
華離是之外更無別華衆生我者亦復如是  
善男子譬如牆壁草木和合名之爲舍離是  
之外更無別舍如佉陀羅樹波羅奢樹尼拘

陀樹鬱曇鉢樹和合爲林離是之外更無別  
林譬如車兵象馬步兵和合爲軍離是之外  
更無別軍譬如五色雜線和合名之爲綺離  
是之外更無別綺如四姓和合名爲大家離  
是之外更無別象象生我者亦復如是離五  
陰外更無別我善男子如來常住則名爲我  
如來法身無邊無礙不生不滅得八自在是  
名爲我象生真實無如是我及以我所但以  
畢定當得畢竟第一義空故名佛性善男子  
大慈大悲名爲佛性何以故大慈大悲常隨  
菩薩如影隨形一切衆生畢定當得大慈大  
悲是故說言一切衆生悉有佛性大慈大悲

者名爲佛性佛性者名爲如來大喜大捨名  
爲佛性何以故菩薩摩訶薩若不能捨二十  
五有則不能得阿耨多羅三藐三菩提以諸  
象生畢當得故是故說言一切象生悉有佛  
性大喜大捨者即是佛性佛性者即是如來  
佛性者名大信心何以故以信心故菩薩摩  
訶薩則能具足檀波羅蜜乃至般若波羅蜜  
一切象生畢定當得大信心故是故說言一  
切象生悉有佛性大信心者即是佛性佛性  
者即是如來佛性者名一子地何以故以一  
子地因緣故菩薩則於一切象生得平等心  
一切象生畢定當得一子地故是故說言一

切衆生悉有佛性一子地者即是佛性佛性  
者即是如來佛性者名第四力何以故以第  
四力因緣故菩薩則能教化衆生一切衆生  
畢定當得第四力故是故說言一切衆生悉  
有佛性第四力者即是佛性佛性者即是如  
來佛性者名十二因緣何以故以因緣故如  
來常住一切衆生定有如是十二因緣是故  
說言一切衆生悉有佛性十二因緣即是佛  
性佛性者即是如來佛性者名四無礙智以  
四無礙因緣故說字義無礙字義無礙故能  
化衆生四無礙者即是佛性佛性者即是如  
來佛性者名頂三昧以脩如是頂三昧故則

能揔攝一切佛法是故說言頂三昧者名為  
 佛性十住菩薩脩是三昧未得具足雖見佛  
 性而不明了一切衆生畢定得故是故說言  
 一切衆生悉有佛性善男子如上所說種種  
 諸法一切衆生定當得故是故說言一切衆  
 生悉有佛性善男子我若說色是佛性者衆  
 生聞已則生邪倒以邪倒故命終則生阿鼻  
 地獄如來說法為斷地獄是故不說色是佛  
 性乃至說識亦復如是善男子若諸衆生了  
 佛性者則不須脩道十住菩薩脩八聖道少  
 見佛性沉不脩者而得見也善男子如文殊  
 師利諸菩薩等已無量世脩集聖道了知佛



性云何聲聞辟支佛等能知佛性若諸衆生  
欲得了了知佛性者應當一心受持讀誦書  
寫解說供養恭敬尊重讚歎是涅槃經見有  
受持乃至讚歎如是經者應當以好房舍衣  
服飲食卧具病瘦醫藥而供給之兼復讀歎  
禮拜問訊善男子若有已於過去無量無邊  
世中親近供養無量諸佛深種善根然後乃  
得聞是經名善男子佛性不可思議佛法僧  
寶亦不可思議一切衆生悉有佛性而不能  
知是亦不可思議如來常樂我淨之法亦不  
可思議一切衆生能信如是大涅槃經亦不  
可思議師子吼菩薩言世尊如佛所說一切

象生能信如是。大涅槃經不可思議者。世尊  
是大眾中有八萬五千億人。於是經中不生  
信心。是故有能信。是經者名不可思議善男  
子。如是諸人於未來世亦當定得信。是經典  
見於佛性。得阿耨多羅三藐三菩提。師子吼  
言。世尊云何不退。菩薩自知決定有不退心。  
佛言。善男子。菩薩摩訶薩當以苦行自試其  
心。日食一胡麻。經一七日。糗米。緣荳。麻子。粟  
床。及以白荳。亦復如是。各一七日。食一麻時  
作是思。惟如是苦行。都無利益。無利益事。尚  
能爲之。況有利益。而當不作於無利益。心能  
堪忍。不退。不轉。是故定得阿耨多羅三藐三

菩提如是等日脩苦行時一切皮肉消瘦皺  
滅如斷生瓠置之日中其目却陷如井底星  
肉盡肋出如朽草屋脊骨連現如重線塼所  
坐之處如馬蹄跡欲坐則伏欲起則偃雖受  
如是無利益苦然不退於菩提之心復次善  
男子菩薩摩訶薩爲破衆苦施安樂故乃至  
能捨內外財物及其身命如棄芻草若能不  
惜是身命者如是菩薩自知必定有不退心  
我定當得阿耨多羅三藐三菩提復次菩薩  
爲法因緣剜身爲燈疊纏皮肉蘇油灌之燒  
以爲炷菩薩卽時受是大苦自訶其心而作  
是言如是苦者於地獄苦百千萬分未是十

分汝於無量百千劫中受大苦惱都無利益  
汝若不能受是輕苦云何而能於地獄中救  
苦衆生菩薩摩訶薩作是觀時身不覺苦其  
心不退不動不轉菩薩今時應深自知我定  
當得阿耨多羅三藐三菩提善男子菩薩今  
時具足煩惱未有斷者爲法因緣能以頭目  
髓腦手足血肉施人以釘釘身投巖赴火菩  
薩今時雖受如是無量衆苦若心不退不動  
不轉菩薩當知我今定有不退之心當得阿  
耨多羅三藐三菩提善男子菩薩摩訶薩爲  
破一切衆生苦惱願作麤大畜生之身以身  
血肉施於衆生衆生取時復生憐愍菩薩今

時閉氣不喘示作死相令彼取者不生殺害  
疑網之想菩薩雖受畜生之身終不造作畜  
生之業何以故善男子菩薩既得不退心已  
終不造作三惡道業菩薩摩訶薩若未來世  
有微塵等惡業果報不定受者以大願力爲  
衆生故而悉受之譬如病人爲鬼所著藏隱  
身中以咒術力故即時相現或語或喜或瞋  
或罵或啼或哭菩薩摩訶薩未來之世三惡  
道業亦復如是菩薩摩訶薩受羶身時常爲  
衆生演說正法或受迦賓闍羅鳥身爲諸衆  
生說正法故受瞿陀身鹿身兔身象身羖羊  
獼猴鴿金翅鳥龍蛇之身受如是等畜生身

時終不造作畜生惡業常爲其餘畜生衆生  
演說正法令彼聞法速得轉離畜生身故菩  
薩卽時雖受畜身不作惡業當知必定有不  
退心菩薩摩訶薩於飢饉世見餓衆生作龜  
魚身無量由延復作是願願諸衆生取我肉  
時隨取隨生因食我肉離飢渴苦一切悉發  
阿耨多羅三藐三菩提心菩薩發願若有因  
我離飢渴者未來之世速得遠離二十五有  
飢渴之患菩薩摩訶薩受如是苦心不退者  
當知必定得阿耨多羅三藐三菩提復次菩  
薩於疾疫世見病苦者作是思惟如藥樹王  
若宥病者取根取莖取枝取葉取華取果取

皮取膚悉得愈病願我此身亦復如是若有  
病者聞聲觸身服食血肉乃至骨髓病悉除  
愈願諸衆生食我肉時不生惡心如食子肉  
我治病已常爲說法願彼信受思惟轉教復  
次善男子菩薩具足煩惱雖受身苦其心不  
退不動不轉當知必定得不退心成阿耨多  
羅三藐三菩提復次善男子若有衆生爲鬼  
所病菩薩見已卽作是言願作鬼身大身健  
身多眷屬身使彼聞見病得除愈菩薩摩訶  
薩爲衆生故勤脩苦行雖有煩惱不汙其心  
復次善男子菩薩摩訶薩雖復脩行六波羅  
蜜亦不求於六波羅蜜果脩行無上六波羅

皮取膚悉得愈病願我此身亦復如是若有  
病者聞聲觸身服食血肉乃至骨髓病悉除  
愈願諸衆生食我肉時不生惡心如食子肉  
我治病已常爲說法願彼信受思惟轉教復  
次善男子菩薩具足煩惱雖受身苦其心不  
退不動不轉當知必定得不退心成阿耨多  
羅三藐三菩提復次善男子若有衆生爲鬼  
所病菩薩見已卽作是言願作鬼身大身健  
身多眷屬身使彼聞見病得除愈菩薩摩訶  
薩爲衆生故勤脩苦行雖有煩惱不汙其心  
復次善男子菩薩摩訶薩雖復脩行六波羅  
蜜亦不求於六波羅蜜果脩行無上六波羅



蜜時作是願言我今以此六波羅蜜施一切  
衆生一一衆生受我施已悉令得成阿耨多  
羅三藐三菩提我亦自爲六波羅蜜勤脩苦  
行受諸苦惱當受苦時願我不退菩提之心  
善男子菩薩摩訶薩作是相時是名不退菩  
提之相復次善男子菩薩摩訶薩不可思議  
何以故菩薩摩訶薩深知生死多諸罪過觀  
大涅槃有大功德爲諸衆生處在生死受種  
種苦心無退轉是名菩薩不可思議復次善  
男子菩薩摩訶薩無有因緣而生憐愍實不  
受恩而常施恩雖施於恩而不求報是故復  
名不可思議復次善男子或有衆生爲自利

益脩諸苦行菩薩摩訶薩為利他故脩行苦  
行是名自利是故復名不可思議復次菩薩  
具足煩惱為壞怨親所受諸苦脩平等心是  
故復名不可思議復次菩薩若見諸惡不善  
衆生若訶責若輕語若驅儻若捨之有惡性  
者現為輕語有憍慢者現為大慢而其內心  
實無憍慢是名菩薩方便不可思議復次菩  
薩具足煩惱少財物時而求者多心不近小  
是名菩薩不可思議復次菩薩於佛出時知  
佛功德為衆生故於無佛處受邊地身如盲  
如聾如跛如癡是名菩薩不可思議復次菩  
薩深知衆生所有罪過為度脫故常與共行

雖隨其意罪垢不汙是故復名不可思議復  
次菩薩了了知見無衆生相無煩惱汙無脩  
集道離煩惱者雖爲菩提無菩提行亦無成  
就菩提行者無有受苦及破苦者而亦能爲  
衆生壞苦行菩提行是故復名不可思議復  
次菩薩受後邊身處兜率天是亦名爲不可  
思議何以故兜率陀天欲界中勝在下天者  
其心放逸在上天者諸根闇鈍是故名勝脩  
施脩戒得上下身脩施戒定得兜率身一切  
菩薩毀咎諸有破壞諸有終不造作兜率天  
業受彼天身何以故菩薩若處其餘諸有亦  
能教化成就衆生實無欲心而生欲界是故

復名不可思議菩薩摩訶薩生兜率天有三  
事勝一者命二者色三者名菩薩摩訶薩實  
不求於命色名稱雖無求心而所得勝菩薩  
摩訶薩深樂涅槃然有因緣亦勝是故復名  
不可思議菩薩摩訶薩如是三事雖勝諸天  
而諸天等於菩薩所終不生於瞋心妬心憍  
慢之心常生喜心菩薩於天亦不憍慢是故  
復名不可思議菩薩摩訶薩不造命業而於  
彼天畢竟壽命是名命勝亦無色業而妙色  
身光明徧滿是名色勝菩薩摩訶薩處彼天  
宮不樂五欲唯爲法事是故名稱充滿十方  
是名名勝是故復名不可思議菩薩摩訶薩

下兜率天是時大地六種震動是故復名不可思議何以故菩薩下時欲色諸天悉來侍送發大音聲讚歎菩薩以口風氣故令地動復有菩薩人中象王人中象王名為龍王龍王初入胎時有諸龍王在此地下或怖或覺是故大地六種震動是故復名不可思議菩薩摩訶薩知入胎時住時出時知父知母不淨不汙如帝釋髻青色寶珠是故復名不可思議善男子大涅槃經亦復如是不可思議善男子譬如大海有八不思議何等為八一者漸漸轉深二者深難得底三者同一鹹味四者潮不過限五者有種種寶藏六者大身

衆生在中居住七者不宿死死屍八者一切萬  
流大雨投之不增不減善男子漸漸轉深有  
三事何等爲三一者衆生福力二者順風而  
行三者河水入故乃至不增不減亦各有三  
是大涅槃微妙經典亦復如是有八不思議  
一漸漸深所謂優婆塞戒沙彌戒比丘戒菩  
薩戒須陀洹果斯陀含果阿那含果阿羅漢  
果辟支佛果菩薩果阿耨多羅三藐三菩提  
果是大涅槃經說如是等法是名漸漸深是  
做此經名漸漸深二者深難得底如來世尊  
不生不滅不得阿耨多羅三藐三菩提不轉  
法輪不食不受不行慧施是故名爲常樂我

淨一切衆生悉有佛性佛性非色不離於色  
非受想行識乃至不離於識是常可見了因  
非作因須陀洹乃至辟支佛當得阿耨多羅  
三藐三菩提亦無煩惱亦無住處雖無煩惱  
不名爲常是故名深復有甚深於是經中或  
時說我或說無我或時說常或說無常或時  
說淨或說不淨或時說樂或時說苦或時說  
空或說不空或說一切有或說一切無或說  
三乘或說一乘或說五陰即是佛性金剛三  
昧及以中道首楞嚴三昧十二因緣第一義  
空慈悲平等於諸衆生頂智信心知諸根力  
一切法中無盡礙智雖有佛性不說決定是

故名深三者一味一切衆生同有佛性皆同  
一乘同一解脫一因一果同一甘露一切當  
得常樂我淨是名一味四者潮不過限如是  
經中制諸比丘不得受畜八不淨物若我弟  
子有能受持讀誦書寫解說分別是大涅槃  
微妙經典寧失身命終不犯之是名潮不過  
限五者寶藏是經即是無量寶藏所言寶者  
謂四念處四正勤四如意分五根五力七覺  
分八聖道分嬰兒行聖行梵行天行諸善方  
便衆生佛性菩薩功德如來功德聲聞功德  
緣覺功德六波羅蜜無量三昧無量智慧是  
名寶藏六者大身衆生所居住處大衆生者



謂佛菩薩大智慧故名大衆生大身故大

故大莊嚴故大調伏故大方便故大說法故

大勢力故大徒衆故大神通故大慈悲故常

不變故一切衆生無盡礙故容受一切諸衆

生故是名大衆生所居之處七者不宿死死

死屍者謂一闍提犯四種禁五無間罪誹謗

方等非法說法非法受畜八種不淨之

物佛物僧物隨意而用或於比丘比丘尼所

作非法事是名死屍是涅槃經離如是等是

故名爲不宿死死八者不增不減無邊際故

無始終故非色故非作故常住故不生滅故

一切衆生悉平等故一切性同一性故是名

無增減是故此經如彼大海有八不思議

大般涅槃經卷第三十二

梯土切迷橙都切墜音鎧苦切駟尹切領音耽丁切含音駝音


耽如切之二而切維如切林二切女切豬步切魚鎖切蘇果切頰安切謁

瞽公切五綆切硬杏切吸曦切及藿切呼郭切蕨音又音床

摸皮切皺側切剋烏切丸喘切唱奕切臂必切益

大般涅槃經卷第三十二

大正洋行總發行



十  
紅

